



Protocol

Radunanza cumünala dals 6.5.2014

Presidi: Peer-Puorger Victor

Preschaint: 30 votantas e votants

S-chüsà: Mario Molinaro, Gisep Rainolter, Karl Nef e Gisep Gustain

Scrutinadurs: Otto Barblan e Jon Häfner

Protocol: Luzzi-Barblan Georg

	tractandas	tema	respunsabel
1	011 Legislativa	Acconsentimaint protocol	
2	011 Legislativa	Rendaquint 2013 (Bilantsch consolidà 01.01.2013, Bilantsch 2013, Quint currant e d'investiziuns)	
3	790 Planisaziun dal territori	Contrat da dret da fabrica chamonna Heidelberg / Val Fenga	
4	011 Legislativa	Varia (radunanza cumünala)	

011 Legislativa

1 Acconsentimaint protocol

Il protocol dals 18.12.2013 vegn approvà.

011 Legislativa

2 Rendaquint 2013 (Bilantsch consolidà 01.01.2013, Bilantsch 2013, Quint curraint e d'investiziuns)

Il capo manzuna ch'el preschainta il prüm il bilantsch consolidà dals 01.01.2013, davo il quint curraint el quint d'investiziuns e per finir il bilantsch pels 31.12.2013, davo preschainta Jon Pitschen Janett il rendaquint 2013 da la Melgioraziun da Tschlin.

Bilantsch consolidà

Il bilantsch consolidà resulta our dals bilantschs dals 31.12.2012 dals cumüns da Tschlin e Ramosch implü il bilantsch dal consorzi da scoula Ramosch - Tschlin. Insembel culla consolidaziun dals bilantschs esa gnü amortisà remarchabels imports impustüt ils bains da la facultà administrativa, pro las contribuziuns per investiziuns ed otras expensas activadas implü pro'ls impegns da finanziaziuns specialas. Il capo argumentescha sco chi'd es gnü consolidà (activas e passivas).

Quint curraint

Il quint curraint as preschainta cun expensas da fr. 9'382'800.00 e cun entradas da fr. 10'721'994.98 cun ün gudogn da fr. 1'064'703.63. Il rendaquint es gnü realisà in collavuraziun cun duonna Cecilia Manetsch, Manetsch Treuhand, Cuaira. Il capo manzuna tuot las posiziuns relevantas. Actualmaing esa amo fich difficil a congualar il rendaquint cul preventiv, causa cha cun realisar il preventiv d'eiran avant man amo fich pacas cifras da basa.

Quint d'investiziuns

Il quint d'investiziuns as preschainta cun expensas da fr. 4'656'214.70 e cun entradas da fr. 2'434'748.06. Il progets remarchabels sun la sanaziun da Panas-ch, fuond da sala da gimnastica a Ramosch, punt Ruinains, electrificaziun clucher a Vnà, differentas vias e piazzas illas fracziuns, inglüminaziuns illas fracziuns, il rendaquint final dal provedimaint d'aua a Ramosch, allontanamaint auo persa a Vnà, meglioraziun da Tschlin, repairs a Martina, proget da sanaziun il Alp Tea/La Ziola implü la cumprita da la chamonna a Russenna.

Bilantsch 2013

Il capo preschainta per finir il bilantsch 2013 chi ha ün stadi ils 01.01.2013 analog al bilantsch consolidà da fr. 19'833.721.03 ed ün stadi ils 31.12.2013 da fr. 17'127'462.33. Il chapital agen s'augmanta da fr. 3'108'747.85 sün fr. 4'173'451.48.

Rico Kienz sco president da la cumischiun sindicatoria raquinta las lavurs cha la cumischiun sindicatoria ha controllà, insembel cul revisur dal quint sar Max Poltera dal uffizi per cumüns GR. El propuona da far bun il quint e dar dis-charg als organs respunsabels. La radunanza accepta unanim il bilantsch consolidà, il quint curraint e d'investiziuns el bilantsch pels 31.12.2013.

Rendaquint meglioraziun da Tschlin

Jon Pitschen Janett preschainta il rendaquint da la meglioraziun da Tschlin. Tal ha gnü sortidas da fr. 558'278.90 ed entradas da fr. 539'098.90, voul dir ün pitschna preditta da fr. 19'180.00. El argumentescha perchè chi's es gnü a quista pitschna preditta. Fin al di d'hoz ha la meglioraziun da Tschlin investi fr. 6.5 miliuns.

Eir quia piglia il president da la cumischiun sindicatoria, Rico Kienz il pled ed infuormescha sco chi'd es gnü fat la revisiun. El propuona a la radunanza cumünala da far bun il rendaquint da la meglioraziun da Tschlin e dar dis-charg als respunsabels. La radunanza cumünala accepta unanim il rendaquint 2013 da la meglioraziun da Tschlin.

790 Planisaziun dal territori

3 **Contrat da dret da fabrica chamonna Heidelberg / Val Fenga**

Victor Peer introdüa l'affar dal contrat da dret da fabrica cul DAV, secziun Heidelberg 1869 e.V. e surdà il pled a Georg Luzzi chi til preschainta, voul dir infuormescha sur dals puncts chi sun gnüts adattats davo la radunanza dal cumün da vaschins da Ramosch chi avaiva gnü lö ils 13.12.2012 e til fat bun.

Daspö l'on 1986 ha il cumün as sfadià da prolungar il contrat da dret da fabrica chi'd eira gnü suottascrit ils 23.11.1886. Ün contrat chi prevezzaiva üna dürada „auf weltewige Zeiten“. Causa l'introducziun dal OR es però scrodà il contrat davo 100 ons. La collavuraziun cul possessuor da la chamonna nun es stat adüna uschè simpla, impusüt causa chi müdaivan adüna darcheu las persunas illa suprastanza da la Secziun Heidelberg.

Il contrat prevezza üna dürada fin l'on 2084 e cun ün fit annual da fr. 1'000.00. Il perimeter prevezza ün spazi da 4'340 m². Causa chi nun es daltuot cler sco chi vegn fabricada la sarinera pudess il spazi amo gnir diminui per la part chi nu fa tuot tenor plü dabsögn. La serra existenta vegn allontanada complettamaing. Il DAV prevezza da realisar ün nouv proget energetic per la chasa.

La radunanza cumünala fa bun unanim il contrat da dret da fabrica cul „Deutscher Alpenverein, Sektion Heidelberg 1869 e.V“, cun sez illa cità da Heidelberg.

011 Legislativa

4 **Varia (radunanza cumünala)**

Il capo infuormescha sur dals novs collavuratuors chi sun entrats quist on pro'l cumün da Valsot. Quai sun Gertrud Camastral, Walter Ehrensperger, Fortunata Denoth ed Irene Patscheider.

Implü respuonda el sün üna dumonda chi'd eira gnü fatta a l'ultima radunanza a regard üna dumonda da fabrica sü Tschlin. Il cumün ha survgni dret, regard il cas davant güdisch. E per finir manzuna'l la buna decisiun da las 2 societats da chatschaders a regard il tir da schaubga sün 150 m e nö 100 m a S-clamischot.

La zona da mansteranza Plan da Muglin e quella da fabrica da Chaflur sun gnüdas confermadas da la regenza Grischuna.

Otto Barblan voul savair sco chi guard'oura cul catramar differentas vias e la situaziun nö cuntantaivla a regard il parcar autos illa fracziun da Vnà. Il capo manzuna chi's prevezza differentas lavurs d'infrastrcutura implü stuvarà il cumün stipular plü bod o plü tard ün uorden da parcar per tuot il cumün.

Jon Häfner (garascha Häfner a Ramosch) avaiva offri felgas e pneus al cumün. El voul savair sco chi'd es stat l'andamaint da la cumprita da quist material. Il capo nun es infuormà da quist cas e til propuona d'infuormar in occasiun da la prossma radunanza cumünala.

Causa chi nu vegn plü pretais il pled, ingrazcha il capo a tuot ils preschaints e giavüscha üna bella saira.

7556 Ramosch, 07.05.2014

Il capo:

Il manader administraziun: